

Relaciona cu caso Natalee

No ta exclui cu autoridad lo bolbe detene Deepak

ORANJESTAD (AAN): Ya ta bayendo pa casi tres luna cu e estudiante di Alabama, Natalee Holloway di 18 años, ta perdi na Aruba.

Su desaparicion a pone Cuerpo Policial institui un team di Recherche e tempo ey bao di encargo di Jan van der Straaten.

E investigacion a start riba bon pia, pasobra apenas algun ora despues ya caba autoridad tabatin tres hoben di interes pa papia cu nan, debi cu nan tabata e ultimo cu a mira Natalee.

E prome storia di e trio, ta cu nan a duna Natalee un lift y a bahe na Hotel. Tambe nan a punta dede riba dos Guardia.

Esaki a pone Polis perde

tempo valioso, como cu a detene dos guardia inocente, y hopi dia importante a 'bay perdi'. Djis debi na e storia falso cu cada uno di e hobennan a presenta den un bunita coreografia na autoridad.

Mientras tanto e guardianan a worde laga den libertad y e team a bay over pa detene e hoben Hulandes Joran van der Sloot y su amigonan Surinameño Satish y Deepak Kalpoe.

E caso a continua tambe unda un Discjockey di Tatoo a keda deteni como sospechoso den e investigacion. E tambe tabata papia di e storia original y falso di e trio. E tambe a cobra su libertad ora cu a

haya sa cu e ta un simple ganador cu kier a haci cos di caweta.

E investigacion a sigui, y como sospechoso a detene un Huez Comisario den persona di Paul van der Sloot, kende ta tata di Joran. Paul tambe a worde laga den libertad aparentemente no tabata tin suficiente prueba pa sigui detene.

Dianan ta pasando, y e Team investigador a ricibi sosten di FBI. A bin for di exterior diferente organizacion cu aparatonan sofisticada hasta cu cacho specializa pa busca Natalee, a cobra diferente lugar dump tambe a cobra y busca si acaso lo por localiza e curpa of cualkier evidencia pa

soluciona e caso cu ta bayendo pa mas cu dos luna caba.

Joran te na e momentonan aki ta e unico cu ta deteni ainda den e caso. Pero loke a bolter henter e investigacion ta na momento a aparece un testigo masha importante cu a wak den oranan laat di marduga un vehiculo staciona altura di Aruba Racquet Club na Rooi Santo.

BASA RIBA LOKE TESTIGO A MIRA

Den Corte recientemente e testigo cu a worde interroga na unda el a confirma kico el a wak e marduga. E por a identifica Joran y Deepak facilmente, pero no por a apunta dede riba Satish. Esey debi cu probablemente e hoben Kalpoe aki a tapa cara net e momento ey cu e ta pasando. Esaki por bay nifica cu a base di declaracion di e testigo principal aki, Ministerio Publico lo bay studia y analiza pa finalmente dicidi, si acaso tin base suficiente pa etene e sospechoso Deepak Kalpoe atrobe.

Mas ainda tin e declaracion anterior di Joran haci dia 13 di juni, unda e ta muestra claramente na e Recherchenan veterano di Polis, cu ta Deepak Kalpoe a viola y asesina Natalee.

E declaracion aki ta uno cu por bay colga Deepak formalmente, apesar cu Joran a duna mas informe durante interrogacionnan cu a tuma lugar despues.

Ta interesante pa menciona cu di parti di Hulanda tambe team investigador a ricibi ayudo tecnico na unda a manda personal specializa den interrogacion di sospechosonan dificil.

Por ultimo e atencion local y internacional di prensa cu e caso Natalee ta trece cune, cu no ta pasa ni un solo dia riba pantaya di television Mericano anto bibo (live) ta worde pasa directo desde



Aruba pa miyones di televidentenan.

ABUELA DI NATALEE TAMBE NA TV

Esnan na Aruba cu por mira MSNBC, por a wak un entrevista cu e wela di Natalee, esta Christene Holloway. Esey tabata e prome biaha cu el a papia cu TV Mericano.

Señora Holloway tin hopi lazo directo cu Natalee, y el a indica cu e mucha muher aki semper tabata special. E tin un sonrisa mescos cu su tata, y tin hopi apariencia di e tata tambe. Semper Natalee tabata un mucha muher keto. E tabata un nieta fantastico.

Aki e presentadora di e programa, Rita Cosby, a puntre con frustra cu tin asina poco informacion, y e kier sa si e wela ta frustra cu e autoridadnan Arubano tambe.

Aki e wela a contesta, cu e ta kere cu Autoridad Arubano ta haciendo tur loke nan por aworaki. "Nos a conoce algun hende hopi nice aki den nos bishita di 10 dia. Ami realmente a gusta Aruba. Mi a gusta e hendenan aki. Mi ta kere cu tur hende ta haciendo loke nan por, trahando hopi duro, riba e buskeda di Natalee".

E wela pues a papia hopi bon di Aruba. Tambe el a splica cu nan no ta bay give-up te ora nan haya Natalee. E ta haci oracion tur dia pa e regreso di Natalee, y nan tin hopi fe cu esey lo socede.

Riba e foto pa cortesia di MSNBC, por mira señora Christene Holloway durante su entrevista.

Habri for di 7'or am y Drive thru habri te 1'or am
My one and only
Big Mac
The Original

McDonald's Playa • Palm Beach • Santa Cruz Plaza

Manchito's
 FERGUSONSTR. 71
 TEL: 582-2303

TIN TUR COS PA NOS CABALLERONAN!